

2 JUAN

Mexe wetfel.

¹Yakha' witlijsitji tenek'enhe'yij. Qa ke' efu^a t'eku'miiji' pa' Intata qa week he' telits, hikhe' he'nq'ika' ai. Hik hekhewe' iye qi in hisu'un. Nite' ye'ewi'He qu' hisu'un, qe week iye hekhewe' hats nikfe'lets pa' yijaa'ija, yisu'un iye hekhewe'en^b

²qe ta'lets ke' Intata te'lijei in yijaalija, qa ekewe'en qa nite' 'h'anuuyi' qu' jinaqamij.^c

³K'iyinijets pa' Intata qa ha' La's Yatsat'ax'inij Jesucristo qu' net'iftits inwets qa qu' nenq'elet'inij iye qa' jinefisij iye pa' wit'ikesimeya'x hats'inha qa'nte' jinteliyi'ij qu' jintajayaanija qa' qiye' iye qu' jinetwet-su'unij in hats jitajayan.^d

Pa' ewi't' wi'tlijei t'ejuyets pa' witeqsu'unka'x.

⁴Qi in ye'te'wisi'mkii in hewetweni't' he' uja'x hekhewe' elits qa hi'wen in yijaa'ija in yijayan ekewe' te'lijei pa' Intata.^e

⁵Qa hane'ej qa k'iyinij ewets efu qu' aqsiiijkiiha kakha' wi'tlijei in yit'ij qu' jinetwet-su'un inekhwel in hats jitajayan ha' Cristo. Aka' wi'tlijei in hika' nite' ink'ayik hik aka' hayiits na'l ine'm in i'nk'aa jitajayan ha' Cristo.^f

⁶In jitesu'uunija pa' Intata ma' qa jitaqsiijkii pa' yisu'un. Qa aka' wi'tlijei in yit'ij inwets qu' jinetwet-su'un pekhewepe', hik aka' yisu'un pa' Intata qu' jitaqsiijkii. Aka'an hayiits 'h'imp'lye'elij.^g

Pa' yijaa'ija in nite' witqekuye'ij pa' Cristo.

⁷Qe olots pe' iwotk'onhetsits nekipji' ha'ne week sehe'. Enewe'en nite' nifel ha' Jesucristo in nametsju' ha'ne sehe' qa hik 'heseninyejei ene'

^a 1 Pa' Juan wenq'ika'ai pe' efu. Aka'an na'l pe' yumti qu' nenq'ika'ai pe'qu' telijtsitjiye qa na'l iye pe' yumti qu' nenq'ika'ai ne'ej efu'ija. ^b 1 Ro 16:13; 1P 5:13; 2Jn 13; Jn 8:32; 14:6; 1Ti 2:4 ^c 2 1Jn 1:8 ^d 3 1Ti 1:2; 2Ti 1:2; He 1:2; 1Jn 4:12 ^e 4 3Jn 3-4 ^f 5 1Jn 3:11 ^g 6 1Jn 2:5; 5:3; Sal 103:18; Mr 7:8; Jn 14:15,21,23; 15:10

sehe' ipji'. Qa pakha' qu' naqsiijkii aka'an pakha'an iwotk'onhetsaxle qa l'ejuihife iye ha' Cristo.^h

⁸ Jeli'hiju'ha aka'an hats'inha qa'nte' anqami'ilij pekhewe' hats na'li't e'm enistitsi't hatse' hats'inha qa' weeke' wetets qu' namtaxets qu' esti'yi'hij hatse'.ⁱ

⁹ Week pakha' qu' nittaxijets qu' hats nijayan ha' Cristo qa hats i'ntaxji'teje'm pa' wit'ikheyi'j qa in yamets lahats'ij qa yili'ij iye, ma' qa hats yilii'ijha hats nite' tepilets, qe nite' hayiits qu' natsat'axij pa' Intata. Qa pa'qu' ewi'te' qu' hats na'n ji'teje'm pa' wit'ikheyi'j, qe pakha'an hayiits yatsat'axij pa'aj pa' Intata qa ha' Ła's iye.^j

¹⁰ Qu' nana'l pa'qu' nanami't ewets qu' nit'ijets qu' nenfel eke' wi'tlijei qa ham hi'im ke' hats i'nq'ijatshenij ha' Cristo, qa hasu'uj iwhini'ifi pe'qu' etsi'yi'it. Hasu'uj iye it'ihijets: —Łe'wis in łanam!—^k

¹¹ Qe pakha' qu' nit'ijets: —Łe'wis in łanam!— pakha'an hats hik łunye'j qu' nifenij pa' yaqsiijkii in ul'ax.^l

Wetfel.

¹² Olotstax ke' hisu'untax qu' henfeli't e'm qa nite'te hisu'un qu' henji' ha'ne witfaakanek. Q'ax qu' teke'ye' hatse' qu' natsami't ei qa' jintafaakateiju'ha, ma' qa qiyi'ija qu' je'te'sitsi'imkii.^m

¹³ Enewe' łelits ke' ejefeki', hikke' t'eku'miiji' iye pa' Intata wetfel ei. Hats uja'xle.

^h 7 Fil 3:3; 1Jn 2:18,22; 4:3 ⁱ 8 2P 2:13 ^j 9 Jn 5:12; 8:31-32,41; 15:4-16; 1Jn 2:21-23,27; Mt 11:27; He 1:2 ^k 10 Jn 1:12; 6:21; 13:20 ^l 11 1Ti 5:22; Ef 5:11; 1Ti 5:22; Jud 23
^m 12 3Jn 13; Jn 15:11